



Moreno: Odlučan pomoći privredi BiH

Ličnost dana

Đulio Moreno

Brži od bh. vlasti

Direktor EBRD-a u BiH nosi najveće zasluge za dolazak stotina miliona maraka u našu zemlju

Evropska banka za obnovu i razvoj (EBRD) odobrila je finansijskim institucijama BiH dva kredita od ukupno 45 miliona eura za pomoć privredi naše zemlje kako bi prebrodila udare ekonomske krize. Direktor EBRD-a u BiH Đulio Moreno (Giulio) kazao je da je ovo značajna podrška bh. privredi u vremenu ograničenih izvora finansiranja.

Prije samo nekoliko dana Moreno je s Raiffeisen bankom BiH potpisao ugovor vrijedan deset miliona eura za finansiranje projekata energetske efikasnosti i obnovljive energije u privatnom sektoru naše zemlje.

I dok domaće vlasti mirno sjede ne čineći skoro ništa da spase desetine hiljada radnih mjesta od udara ekonomske krize, Moreno je neumoran.

Nosi najveće zasluge što su mala i srednja preduzeća te cjelokupna privreda u BiH posredstvom ove evropske finansijske institucije dobili stotine miliona maraka kako bi se održao stabilan nivo privredne aktivnosti u našoj zemlji.

Moreno svakodnevno poziva domaće vlasti da oštrije uđu u bitku s krizom, nudeći im svoju i punu podršku EBRD-a u tim nastojanjima. Domaće vlasti trebale bi se ugledati na Morena i zapitati se odakle taj čovjek crpi toliku energiju boreći se da osigura pomoć BiH, a potom se početi i ponašati po ugledu na njega.

EBRD je već godinama glavni investitor u našoj zemlji i do sada je ulagao novac u javni i privatni sektor te sektor zaštite okoliša.

I. Šm.

Zbog porasta broja uposlenih

Tužilaštvo